

*Path. m. u.
De variis m. b. is*

GEORGII ERNESTI STAHL,
D. PROF. PUBL. ORDIN. h. t. FACULT.
DECANI.

PROPEMPTICON INAUGURALE
DE
MORBIS CON-
TUMACIBUS.



1162.

1692

M. u. 24. 309



T multa alia præclare

prospexit, & luculentis monumentis indigitata reliquit *Hippocrates*, quæ ad Universæ Medicæ Artis scientificam elucidationem pertinere videntur; Ita *Physicæ* quoque *Scientiæ*, quantum ad *Humanam Na-*

turam, ejusquæ genuinam *Historiam*, summum, imò unicum fundamentum, è *Medicâ* Arte unice expectandum esse, sanè non minùs prudenter perspexit: Unde *Lib. de prisca Medicinâ*, monitum illud atquæ effatum notatu dignissimum consignavit, νομίζω δὲ ὅτι περὶ Φύσιος γινῶναι τι ταΦες, ἔδαμῶθεν ἀλλοθεν ἔσαι ἢ ἐξ ἰατρικῆς. Τῆτο δὲ οἶον τε καταμαθεῖν, ὅταν αὐτὴν τις τὴν ἰατρικὴν ὁρθῶς πᾶσαν περιλάβῃ. i. e. Censeo verò, quod de *Naturâ* (*Hominis*) manifestum quidpiam statuere, non aliunde possibile fuerit, quam ex arte *Medicâ*: Quod quidem facile erit percipere, si quis ipsam *Artē Medicam universam* probè complexus fuerit.

Profectò, si quisquam est, qui manifestissimas illas, mutuas & reciprocas alterationes, quæ circa *Motus*, *sensus*, *voluntatem*, & *intellectum*, fiunt; Et non tam in statu quieto live sanè, quam concusso, commoto, exagitato, maximè sese sistunt, vel leviter cognoverit atquæ perpenderit: ille *Veritatem*, & profundissimam certitudinem hujus assertionis non poterit diffiteri.

Cum enim in deviante præcipuè statu *Corporis*, ut primo *Medicæ* considerationis *subjecto*, sese exserant præsentissimæ istæ alterationes *Motuum Vitalium*, quæ ab *animi* seu *intellectus* perturbationibus immediatè nascuntur: Et è converso, *animi* quoq; , & ipsius *intellectus* debilitationes, à variis *Corporeis* læsionibus, quasi pressis vestigiis introductæ, hîc ibidem maximè occurrant: *Me-*

dica-

dicarum quidem harum rerum peritus, non potest non agnoscere, insignes illos *nexus* inter *Corpus* & *Animum*, & consensum præsentissimum inter omnes *Motus*, eorumque *ordinem*, & *vigorem*, & *intentionem*; Quisquis verò eadem perspecta non habet, non potest utique, nisi è *manca* notitia *falsas* deinde subsumptiones & opiniones colligere.

Quemadmodum verò prolixè, & per digniores apices, hujus Veritatis demonstrationem deducere, instituti mei ratio jam non permittit; Ita saltem illud adhuc in dicto allegato nervosè notatum tango, quod Divus senex, ad *Philosophico-Scientificam* hujusmodi cognitionem: *Universa Medicina rectam & exactam comprehensionem. & universi ejus ambitus amplexationem*, supponat.

Ubi nempe, sicut in genere: *Imperitia malus est thesaurus, & malum cimelium possidenti ipsam*, ὅναρ καὶ ὕπαρ, undique, juxtà eundem Hippocr. in *Lege*: Ita hìc quoq; ad *Scientiam* de *Natura* *Homini*s obtinendam, non *Medicinæ* modò *aliquali* cognitione, opus & usus est: sed ὅταν αὐτῇ τις ἐρῶς πᾶσαν περιλάβῃ, ut ipsam rectè, & universam quidem, & quasi *universum* ejus *ambitum*, *circumcirca*, *undiquè* & *undiquè*, complectatur.

E tali enim *Experientiâ* demum, nascitur sufficiens cognitio *omnium* illarum *circumstantiarum*, è quarum sollicitâ *comparatione*, & *dependentie* *mutuæ* examine, *scientificam* rei cognitionem adipisci licet.

Hâc itaque *Methodo*, & ad hancce normam, antè omnia considerare & evolvere oportet, ipsorum *Morborum* conditiones; Inter quas, cum haud sanè postrema sit, *Contumacia* & *pertinacia* illa, quâ modò durare solent & diu *continuuare*, modò *repullulare* & *recrudescere*, modò in aliam faciem aut speciem *transformari*, modò alia nova incommoda vel *generare*, vel *provocare*: Operæ sanè precium, ingens fore arbitror, si condignè & circumspectè, harum rerum
(2 rum

rum rationes peruestigarentur, & mutuæ dependentiæ anteriorum hujusmodi *pertinaciam* affectuum, annotarentur: Sed cum prolixo operis, demonstrationis & illustrationis diffusæ, illud sit negotium, impræsentiarum quidem illud in nos suscipere non licet: Libabimus tamen summos veluti apices, & quid de iis nobis succurrerit, proferemus.

Acuti Morbi, Febres, acutæ, Apoplexia, Leihargus, Convulsiones, Sphacelus, Catarrhus suffocativus, &c. contumaciam non exserunt; Nequæ enim vel diu durant, vel sæpè repullulant; Sed Febres Intermittentes, & præcipuè Quartana, Hæctica quoquæ, id faciunt.

Reliqui verò, qui etiam inde ferè appellari consueverunt *Chronici*, Morbi, & *duratione* diuturniore, & *frequentia* atq; *facili repullulatione*, hanc utiq; tribum maximè constituunt: *Cephalalgia, Odontalgia, Hemisrania, Catarrhi, Auditus lesiones, Tusses, Asthmata, Raucedines, Phthises, Alvi modò siccitates, modò lubricitates, Hysterica, Nephritica, Calculosæ passiones: Hydrops, Hemorrhoidum fluxus & vitia: Gona-gra, Podagra, Arthritides, modò fixæ, modò vagæ, Epileptici insultus, Paralyse, Contractura, Aridura, Fistula, Oedemata, Scirrhi, &c.*

Hos omnes, si ad summa quædam genera reducamus,prehendimus, quod, vel in *Inflammatoriis*, aut gravissimè *distensoriis Stagnationibus, Sanguinis*: Vel in *Colatorum Principalium obstructione*, aut corrosione & *ulceratione*: Vel in *Motibus Spasmodicis* in genere: Vel in *affufectionis*, ut talibus, in *Specie*, consistant.

Qui *Inflammatoriam & Distensoriam Stagnationem* Sanguinis, pro causâ agnoscunt, pendent vel à *quantitate* ejus, vel *qualitate*; *Utrabilet*, quasi *formaliter*, quatenus noxam constituit, læditur in *Motu*.

Motus qui quantitatem Sanguinis nimiam sequuntur, sunt vel active congestorii, vel passive statarii & defectorii, seu Motuum sufflaminationes.

Con-

Congestorii, spectant ultimo ad *Evacuationes Hemorrhagicas*, & fiunt proinde circum & versus *Emunctoria Hemorrhagica*.

Sufflaminations Motuum, five à *quantitate* nimis *precipitant* congesta, five à *Spissitudine* qualitatis vitiosæ, inferunt ferè illas secundo loco dictas *Colatoriorum Principaliorum obstructions*: Aut *corruptione* accedente, eorundem *ulcerationes*.

Non tamen æquè *Sanguinis puræ stases*, five progressus illius *sufflaminations* sinceræ, hîc notari merentur; Siquidem è *Sanguinis puri stasi*, acuta potius & præcipitia, mala nascuntur: Sed *seroso-lymphaticarum ἀπορροῶν* damna. Quæ modò *Catarrhales*, *Tussiculosas*, *Catharticas*, *turbas*, modò *Hydropico-œdematosa* incommoda, progenerant.

Spasmodicorum Motuum latissimè patet Campus. Omnes enim illi *Motus*, quos paulò antè *activos* appellavimus; Et omnes *Assuefactitii Motus*, pendent unicè ab hoc genere.

Fiunt sanè *Spasmodici Motus* perpetuò *Active*, & habent semper aliquem, non penitus *inutilem*, finem: *Tempus*, *gradus*, *frequentia*, sunt istæ circumstantiæ, in quibus impingitur.

Assuefactio verò, est ingens illud scandalum, quod non modò *Theoriam*, sed *Praxin* præcipuè, summo opere ludit, & attentionem perspicacissimam requirit.

Profectò omnium *Contumacium morborum materialis* causæ, quantumcunque sint importunæ, nuspiam tamen & nunquam tantum possunt, nisi in solis *Stasibus*; Imò potius in *ruptionibus*, aut *corruptionibus* jamjam subsecutis.

Extra hoc verò, longè plurimum & possunt, & solent etiam, *Contumaciam Morborum* fovere, imò constituere, *Assuefactiones ipsæ Motuum*.

In hac enim *Assuetudine* præcipuè, fundatæ sunt *recrudescencia* illæ & *exacerbationes* variarum *congestionum*, dolo-

rum, *Spasmodum, excussonum*; Quæ cum aliis quievisent, neque ad causam suam *Materialis* præsentiam exarsissent: Accedente levi commotione *animi*, aut alteratione *sensus*, repetuntur è vestigio *soliti Motus*, & turbulenter, aut ad minimum *impetu consueti*, peraguntur: Licet maximè nulla *proportionata quantitas materia*, quæ illos mereretur, præstò sit: Imò, sunt non rarò tantò *perstinacius* quantò minùs habent, in quod agant, & in quo veluti consumantur.

Versantur autem hæ *Assuefactiones*, partim circa *generalem* aliquem Motum, partim circa *specialem*, in organo & parte speciali.

Prioris generis, sunt variæ *Excretiones Sanguineæ & Motuum molimina* eò tendentia; quæ cum primis *atque* circa *superiora, caput, Nares, fauces, pectus*, tetendissent: Provehente *Etate* circa *inferiora, Renes, Hemorrhoides, crura varicosa*, instituuntur: Nempè in genere circa *generale* suum objectum, *Excretionem sanguinis*, occupati, licet ad illum certum *locum* nondum assueti.

Posteriores, sunt v.g. *molimina* talia, vel circa *easdem, partes atque actiones*: Vel circa *conjugatas* ad minimum. Exemplo fit (1) *abortus foeminarum sanguinearum*, qui frequentissimè *pluribus vicibus deinceps*, eàdem semper *septimanâ gestationis*, & iisdem planè *Symptomatibus*, contingit. (2) *Hypochondriaco-Hysterico-Cephalica* pathemata, ex *vasorum, & Nervorum, communione*, nempè *venæ portæ, & Nervi partis vagi*: *Excretionibus mensstruis, Lochialibus, Hemorrhoidalibus* internis, *assuefactis*, succedentia.

Plurimum verò possunt ad *contumaciam* hujus capitis, nempè ab *Assuefactione, memoriâ & intentione ἀφαιρέσειν*, *Hæreditaria dispositio, & Astrales ἐπιφαιέαι*; Scandala illa omnis *curiositatis*, & scioli *intellectus Humani*, quæ omnes *Natos* naso suspendunt adunco. Quas quidem negare, solita est & trita valdè via, sed *Ponti illi Logico* confinis, cujus odiosum est nomen: *Practici* enim statim inde sciunt, quæ sit talis *Hominiis Experientia*, & consequenter *ratio*.

Dico itaque, & concludo breviter, quod *Contumacium Morborum Causæ, possint* quidem in *viarum* quoque, adeoque *Motus passivi* vitiis interdum contingere: *Soleant* verò per frequenter, magis in *Motus Activi, assuefacti, spasmodici*, exacerbationibus fundari: Qui *Materialiter* seu *Subjecti* ratione, communiter *sanguinis* ali-

1114. 100
aliquam exundantiam sequitur: *Effectivè* verò, vel à multà *repetitione* & hujus generis *Exercitio*, vel ab *Hereditariâ* impressione, vel ab *Astrali* interdum conturbatione, inducatur.

Ubi, uti ad curam eorum, requiritur, ut *longinquarum* harum causarum, non modò luculenta cognitio, sed & proportionata ad resistendum *Methodus*, instituat: Ita quid sine his subsidiis fieri soleat, quantum à Morborum *contumacium* *percuracione* absumus, solà exacerbationum *mitigatione* contenti, docet dies.

HÆMORRHOIDALIUM MOTUUM externorum *contumacissimos Spasmodicos effectus*, Nephritico-Ischiadico-Gonagrico-Podagrico-Contractorios Spasmos, è fonte suo eruere, aggressus est Vir Juvenis Doctissimus

HERMANNUS PAULUS JUCH / Erfurtensis,
Medicinæ Candidatus dignissimus,

De cujus natalibus, vitâ, moribus studiisque laudabiliter actis, publicam notitiam esse decet. Natus ille est Erfurti, Antiquâ & præcipuâ Thuringiæ Urbe; Lucem aspexit anno MDCLXXVI. Mense Septembri. Pater, Vir Excell: Ampliss: Experientiss: Dom. PAULUS HENRICUS JUCH, Dn. PAULI JUCH, M.D. Archiatri Moguntini, & Erfurtensis Practici famigeratissimi, jamdum beati, Filius, Philos. & Med. Doctor, Practicus celeberrimus. Mater, BARBARA HEITMANNIA, Dn. HERMANNI HEITMANN Senatoris, & Pratoris Militaris Electoralis in Urbe, cujus ad memoriam celebris perennat fama, Filia, Matrona omnibus virtutibus laudatissima. Hi Parentes optimi, cum à teneris unguiculis, pietatis, probitatis, docilitatis, modestiæ, sobrietatis studio, Filium mancipassent; Ita Privatis Informationibus, quarum ibi per frequentiam Academicam locuples est commoditas, ad altiores Disciplinas præpararunt, deinde in Philosophicis Logico-Metaphysicis à Dn. M. STENGERO, P.P. in Phycis à Dn. M. KISLINGIO, P.P. solidissimam hausit institutionem. Disputationem quoq; publicâ de Pluviis prodigiosis ibidem defendit. His subsidiis instructum, Theoriâ Medicâ, Practicis Exemplis perennib9 subnixâ, imbuit ipse Dn. Parens, laudabili
pror-

prorsus industriâ, & sterilibus multis circa studium Medicum nungamentis, vindicatum sibi met ipsi Filium, solidis & expertis fundamentis imbuendi. Admovit eundem frequentibus Anatomicis, & Chirurgico-Judicialibus Scrutiniis atq; Sectionibus: Adhibuit operationibus Chymico-Pharmaceuticis, in officinâ Splendidâ, quam instructam ipsemet habet publicam. Ita institutum, misit per aliquod tempus in Jenensem Academiâ, ubi publicis Celeberrimorum Professorum Commentationibus sedulo adstitit, ex iisque profectus suos locupletare cordi habuit: Tandem antè annum ferè, Illustri nostræ FRIDERICIANÆ eundem destinavit; Ubi profectò talem sese præstitit, quales omnes qui Studium hoc prosequuntur, esse velimus: Solertem, assiduum, sagacem, doctum, peritum. Collegium Chymicum, & Experimentale Physicum Curiosum Excell. D. D. HOFMANNI assidue audivit. Me Casus Practicos, deinde Chirurgicos quoq; deniq; Chymiam, tradentem, diligentissimè sectatus est, & tam Theoriæ quam Praxeos solida fundamenta partim exhibuit suis elaborationibus, partim suscepit. Disputationem Academicam sub meo Præsidio, de INFREQUENTIA MORBORUM, strenuè ventilavit: Defendit, etiam aliam De ARTHRITIDE, Nobiliss. & Experientissimi D. D. WERKMEISTERI, Practici solertissimi, Præsidio. His ita feliciter gestis, monitu Dn. Parentis ad Honores Juraq; & Privilegia, quæ Ars nostra dignis tribuit, respicere suscepit: Aperuit honestum suum desiderium FACULTATI nostræ, quæ legitimam viâ indicavit, per Examinum & Speciminum solemniū Experimentata atq; documenta. Subiit alacris, & decurrit hoc stadium dexterimâ sorte: Probavit, inquam, profectus laudatissimos. Habebit Virtuti præmium. Publicum Specimen INAUGURALE, de MOTU SANGUINIS HÆMORRHODALI, sub nostro Præsidio, die Veneris xviii. Martii, exhibebit. Ad quem Actum Solemni Magnificum Dominum Pro-Rectorem, Excellentissimos Academiæ Procères, Illustrissimos, Illustres, Generosos, Clarissimos Hospites, Fautores, Cultores, officiosissimè & humanissimè invito.

P.P. Sub sigillo Facultatis Idibus Martiis,

M DC XCVIII.

(L. S.)

